

ԴԻՄԻՏՐԻ ՍԱՐԳՍՅԱՆ

ՈՒՐԱՐՏԱԿԱՆ ՊԵՏՈՒԹՅԱՆ ԿԱԶՄԱՎՈՐՄԱՆ ԳԼԽԱՎՈՐ ՓՈՒԼԵՐԸ*

Ուրարտական պետության կազմավորումը տեղի է ունեցել երեք փուլերով, որոնցից վերջինը ունեցել է երեք ենթափուլեր:

Ուրարտական պետության կազմավորման առաջին փուլը, որը համընկնում է այդ պետության պաշտերացման առաջին փուլին, վերաբերվել է ուրարտական և հայկական ցեղերի որոշ մասի միավորմանը մի ընդհանուր, կենտրոնական պետության կազմում (հայկական ցեղերը այդ ժամանակ տարածված էին Արամալի վարչական միավորի կազմում, ինչպես նաև նրա հիմքի վրա ձևավորված հետագա Արմարիլի-Արմարիյալի կամ Արմիրալի մարզում): Այդ փուլում ուրարտական պետության գրաված տարածքը սկսվել է Արածանի գետի միջին ավազանի հարավային սահմաններից, ձգվել Վանա լճի արևելյան երկարությամբ և տարածվել մինչև Ուրմիա լճի արևմտյան կողմերը¹: Այդ փուլում, ըստ սեպագիր արձանագրությունների տվյալների, ուրարտական պետությունը կազմված էր 4 քաղաք-ամրոցներից և նրանց շրջակայքի բնակավայրերից: Սի քաղաք-ամրոցը իր շրջակայքի բնակավայրերի հետ կազմել էր երկրի մի վարչական միավորը: Այդ վարչական միավորներն էին՝ Արգաշքուն, Արամալին, Ջանգիուման և Սուգումիան: Դրանցից Արգաշքուն տարածված էր երկրի հյուսիսային մասում, մասնավորապես Վանա լճի և Արածանիի միջև ընկած տարածքում, Արամալին՝ Վանա լճի արևելյան մասում, Ջանգիուման՝ այդ լճի հարավ-արևելքում, իսկ նրանից արևելք դեպի Ուրմիա լճի արևմտյան կողմը տարածված էր Սուգումիան²: Հյուսիսային կողմում Ուրարտուին սահմանակից են եղել Դալանի-Դիաուխի, Թումմե, Սուխմու և Էնգիտե երկրները, հարավային և հյուսիս-արևելյան կողմում՝ Գիլգանի, Խուբուշքիա և Մուծածիր երկրները (նշված երկրներից Դալանի-Դիաուխին անմիջապես սահմանակից

* Հոդվածը հրատարակվում է առանց նրա էությանը խմբագրության կողմից միջամտության:

է եղել Արգաշշտի շրջանին, Մոծաձիւրը ե խուրուշքիան՝ Սուգունիայի շրջանին, իսկ Գիլգանին՝ Ջանգիւռնայի շրջանին)³։ Առաջին փուլում Ուրարտուն չի ունեցել խոշոր գորք։ Նրա զինվորների թիվը հասել է 3400-ի⁴։ Այդ գորքը ենթարկվել է երկրի արքային։ Այն կոչվել է արքայի գորք կամ արքայական զունդ, որը արքայի հետ գտնվել է երկրի արքայական քաղաքում, իսկ անհրաժեշտության դեպքում պաշտպանել է երկրի սահմանները։ Սուգունիա վարչական միավորի օրինակը ցույց է տալիս, որ գորք են ունեցել նաև վարչական միավորները, մասնավորապես նրանց քաղաք-ամրոցները⁵։ Երկրի առաջին արքան է եղել Արամեն (859-832), իսկ նրա արքայական քաղաքը՝ Արգաշշուն⁶։ Այդ փուլում ասսուրական պետությունը մի քանի անգամ կործանարար արշավանքներ է կազմակերպել նորաստեղծ ուրարտական պետության վրա, բայց վերջինս կենաց ու մահու պայքարի գնով պաշտպանել է իր գոյությունը⁷։ Ասսուրական արշավանքները աստիճանաբար դադարել են, երբ մ.թ.ա. 832 թ. ուրարտական թագավորներից Սարդուրի I-ը (832-822) Արածանի գետի ափին լուրջ դիմադրություն է ցույց տալիս ասսուրական զորքին, կանխում նրա ներթափանցումը Ուրարտու⁸, երկիրը փրկում ասսուրական զորքի նոր ասպատակություններից ու ավերածություններից։

Ուրարտուն, երբ նոր է քաղաքական ասպարեզ եկել, բացի վերոհիշյալ երկրներից, շրջապատված է եղել նաև ցեղամիություններով։ Նրա հյուսիս-արևմտյան կողմում գտնվել է Խաթե ցեղամիությունը⁹, իսկ հյուսիս-արևելյան կողմում՝ Էթիունի ցեղամիությունը¹⁰։ Այդ երկու ցեղամիությունները իրարից բաժանվել են Դսյանեի-Դիաուիսի պետության ընդարձակ տարածքով¹¹։

Ուրարտական պետության կազմավորման երկրորդ փուլը, որը համընկնում է այդ պետության պարբերացման վերելքի փուլին, սկսվել է Իշպուլինիի (822-810) ժամանակաշրջանից։ Հզոր Ասորեստանի դեմ պայքարելու նպատակով ուրարտական պետությունը աշխատել է իր գերիշխանության տակ վերցնել շրջակայքում գտնվող երկրները, հարստնալ ու հզորանալ նրանց միջոցներով և վերջ տալ ասսուրական սպառնալիքներին։ Բայց դա խաղաղ ճանապարհով տեղի չէր ունենալու։ Դրա համար հարկավոր էին նվաճումներ։ Եվ սկսվում են ուրարտական նվաճողական արշավանքները շրջակայքի անհատ-անհատ ցեղային երկրների, ցեղամիությունների ու պետության աստիճանի հասած երկրների վրա։

Իշպուլինին, հյուսիս-արևելքում նվաճելով Ուիտերուխի, Լուշա, Զաթարգա ցեղային երկրները, Ուրարտուի սահմանները հասցնում է մինչև Արածանի ու Արաքս գետերի ակունքները¹², նվաճելով Արաքսի ձախ ափին գտնվող Պուլուադի երկիրը (Սյունիք նահանգի Երնջակ գավառում, որը հետագայում մտել է Նախիջևանի կազմի մեջ), ինչպես նաև Բարշուա կամ Պաշուուաշ (իմմտ. Պարսկաստան) երկիրը, Ուրարտուի սահ-

մանները հասցնում է մինչև Արաքսի միջին ավազանը և Ուրմիա լճի արևելյան կալները¹³:

Սենտան (810-786) իր նվաճումներով Ուրարտուի հյուսիսային սահմանները հասցնում է մինչև Դայանեի-Դիաուխի ընդարձակածավալ պետության կենտրոնական որոշ տարածքները¹⁴, հյուսիս-արևմտյան սահմանները՝ մինչև Շուպանի (Շուփք) երկիրը և Խաթե ցեղամիության արևելյան սահմանները (Փոքր Հայքի Մելաս գետի ավազանում), հյուսիս-արևելյան սահմանները՝ մինչև Էրիքուախի երկիրը (Արարատյան դաշտավայրի մատույցներում, Արարատ լեռան ստորոտում)¹⁵, արևմտյան սահմանները՝ մինչև անդրեփրատյան Մելիտեա կամ Մելի-րու (Մալաթիա) երկիրը¹⁶, հարավային սահմանները՝ մինչև Շուքրիա և Ուրմե երկրները (Սասունի լեռնային զանգվածում)¹⁷, հարավ-արևելյան սահմանները՝ մինչև Մանա երկիրը (Ուրմիա լճի արևելքում)¹⁸:

Արգիշթի I-ը (786-764) իր նվաճումներով Ուրարտուի սահմանները հյուսիսում հասցնում է մինչև Դայանեի-Դիաուխի պետության ծայր հյուսիսային կողմերը (Սև ծովի հարավային ափերին)¹⁹, հյուսիս-արևմտյան սահմանը՝ մինչև Խաթե ցեղամիությունը (Փոքր Հայքում), հյուսիս-արևելյան սահմանները՝ մինչև Էթլունի ցեղամիությունը, մասնավորապես նրա մեջ մտնող Կիեխունի երկիրը (Սևանի ավազանում, իհարկե, ճանապարհին նվաճելով Ազա(հմատ. Ուազա, Վազա) երկիրը (Արարատյան դաշտավայրում) և Ուլուսնի երկիրը (Կստույքում)²⁰, հարավ-արևելյան սահմանները՝ մինչև Բալուաթա, Բուշբու և Բաքիլու երկրները (Ուրմիա լճից դեպի հարավ-արևելք²¹):

Սարգուրի II-ը (764-735) իր նվաճումներով Ուրարտուի սահմանները հյուսիսում հասցնում է մինչև Կուլխու (Կուլխիդա) երկիրը (Սև ծովի հարավ-արևելքում)²², հյուսիս-արևելյան սահմանները՝ մինչև Էթլունի ցեղամիության մասը կազմող Ու(ե)դուրի-Էթլունիի մեջ մտնող Ալախունի, Վելիքունի (Գեղաքունի), Լուերունի, Արքուքինի երկրները (Սևանա լճի ավազանում) և Ուրտեխինի (հմատ. Արցախ) երկիրը²³, արևմտյան սահմանները՝ մինչև անդրեփրատյան Կումախու (Կումագենե) երկիրը²⁴, հարավային սահմանները՝ մինչև Արմե երկիրը (Սասունի լեռնային զանգվածում)²⁵, նվաճում է նաև Պուլուադի երկրի հարավային կողմերը (Ժամանակակից Իրանի հյուսիսային շրջաններում, Արաքսից դեպի հարավ):

Այդ նվաճումների հետևանքով ուրարտական պետությունը հզորացնում է, որի շնորհիվ աճում է նրա հեղինակությունը արտաքին աշխարհում, և Առաջավոր Ասիայի ռազմաքաղաքական առաջնությունը Ասորեստանից անցնում է Ուրարտուին:

Սարգուրի II-ը կազմակերպում է նաև հակա-ասորեստանյան կռաւիցիա, որի մեջ են մտնում ինչպես հյուսիսային Սիրիայի Բիթ-Ագուսի և Գուրգում, այնպես էլ անդրեփրատյան Կումմուխու կամ Կումախա (Կո-

մագենե) և Մելիտեա-Մելիդու (Մալսթիա) երկրները²⁶: Սարդուրի II-ի նպատակն էր՝ կոալիցիոն բանակով հարձակվել անմիջապես Ասորեստանի վրա, ծնկի բերել նրան, ընդմիջտ վերացնել հարավից սպառնացող վտանգը: Իբրև դուս ապացույց պետք է նկատի ունենալ այն փաստը, որ նա մ.թ.ա. 753 թվականին հարձակվում է Ասորեստանի թագավոր Աշշուրնիրարի III-ի (753-746) վրա և պարտության մատնում նրան²⁷: Դրանից հետո, ինչպես կհամոզվենք հետագա շարադրանքում, Սարդուրի II-ը իր կոալիցիոն բանակով ամրանում է Բիթ-Ագուսի և Կումմուխու երկրներում՝ անշուշտ Ասորեստանի վրա նոր հարձակումներ կազմակերպելու նպատակով:

Իր կազմավորման երկրորդ փուլում ուրարտական պետությունը նվաճել է շուրջ 130 խոշոր և մսնք երկրներ:

Ուրարտական պետության կազմավորման երրորդ փուլը, որը համընկնում է այդ պետության պարբերացման վայրէջքի փուլին, ինչպես ասվել է վերևում, ունեցել է իր երեք ենթափուլերը: Ուրարտական պետության կազմավորման երրորդ փուլի առաջին ենթափուլը սկսվում է Սարդուրի II-ի կառավարման երկրորդ շրջանից: Աստուրական պետությունը, զգալով Ուրարտուի նպատակները, նախապատրաստվում է դիմակայելու նրա հետագա գործողություններին: Դրան հատկապես ձեռնամուխ է լինում աստուրական գահին նոր անցած Թիգլաթպալասար III-ը (745-722), որը ին թագավորության երրորդ տարում՝ մ.թ.ա. 743 թ. հյուսիսային Սիլիսյում գտնվող Բիթ-Ագուսի երկրի Արպադ քաղաքի մոտ, որտեղ արդեն թափանցել էր Ուրարտուն, մարտեր մղելով Սարդուրի II-ի դեմ, հաղթանակի է հասնում²⁸: Հետագայում լարվածությունը ավելի է սրվում Ասորեստանի և Ուրարտուի միջև, որը ավարտվում է մ.թ.ա. 735 թվականին Կումմուխու (Կումմագենե) երկրի Կիշթան և Խալպու մարզերի արանքում, մասնավորապես Կիշթան քաղաքի մոտ տեղի ունեցող ճակատամարտով, որի ընթացքում հաղթանակը դարձյալ ուղեկցում է Թիգլաթպալասար III-ին: Դրանից հետո նա մտնում է Ուրարտու, պաշարում նրա արքայական Տուշպա (Տուշուշպա) քաղաքը, ուր փակված էր Սարդուրի II-ը և ասպատակում երկիրը²⁹: Դրա հետևանքով քայքայվում է ուրարտական պետության կողմից ստեղծված հակա-ասորեստանյան կոալիցիան: Թիգլաթպալասար III-ը Ուրարտուից խլում է նրա հարավում գտնվող Ուլլուրա երկիրը, Սասունի լեռնային զանգվածի հարավային մասում գտնվող Շուրբիա երկրի Քուլիմների (Քոլիմար) մարզը (Քալամա կամ Քալիթթ գետի ավազանում) և նրա շրջակայքում գտնվող մի շարք բնակավայրերը, այդ թվում Բենգու, Անգանու և Սարդուրի քաղաքները, իրեն հարկատու է դարձնում մինչ այդ Ուրարտուի գերիշխանության տակ գտնվող Բիթ-Ագուսի, Գուրգում(ու), Մելիտեա կամ Մելիդու (Մալսթիա), Կումմուխու կամ Կումախա (Կումագենի) երկրները³⁰: Արտաքին աշխարհում Ուրարտուն կորցնում է իր քաղաքական

հեղինակությունը, Ե Առաջավոր Ասիայում առաջնությունը կրկին անցնում է Ասորեստանին: Ուրարտական պետությունը բռնում է վայրէջքի ճանապարհ:

Ուրարտական պետության կազմավորման երրորդ փուլի երկրորդ ենթափուլը համընկել է Ռուսա I-ի կառավարման ժամանակաշրջանի հետ: Սարգուրի II-ին հաջորդող Ռուսա I-ը փորձում է փրկել արտաքին աշխարհում իր երկրի կորցրած հեղինակությունը և Ասորեստանից ետ խլել Առաջավոր Ասիայի առաջնությունը: Դրա համար անհրաժեշտ էին տնտեսական նոր աղբյուրներ: Սակայն Ասորեստանի ազդեցությունը հնարավորություն չէր տալիս նրան անմիջապես դիմել արշավանքների հարավում գտնվող հարուստ երկրների վրա, նրանցից ձեռք բերել ավար, ռազմագերիներ, հարկ ու տուրք: Ռուսա I-ին միայն հաջողվում է Մանս երկրից խլել նրա Ուիշդիշ մարզը և միացնել Ուրարաուին³¹: Ուրարտուի քիթախում մնում են հիմնականում հյուսիսի երկրները, որոնք այնքան էլ հալոստ չէին: Նա նվաճում է Սևանա լճից այն կողմ, բարձր լեռների վրա (Փոքր Կովկասում) գտնվող 19 երկրները³², բայց լայնտեղից ռազմավար ձեռք չի բերում: Ռուսա I-ը ստիպված նյութական միջոցներ է փնտրում սեփական երկրի ներսում՝ զարգացնելով նրա տնտեսության ճյուղերը: Այդ ասպարեզում նա հասնում է որոշ հաջողության³³: Դուսնից ոգևորված նա հարավ-արևելքում ստեղծում է հսկա-աստուրական երկրների կոալիցիա, որի մեջ են մտնում մերձկասպյան Անդիս և մերձուրմյան Ջիկիրթու, Արդինի-Մուծածիր ու Նաիրի-Խուբուշքիա երկրները³⁴: Նա մարտեր է մղում Ասորեստանի դեմ նրա հյուսիսային լեռներում³⁵:

Ռուսա I-ի այս ռազմական պլաններին ուշիուշով հետևում է Ասորեստանի թագավոր Սարգոն II-ը (722-705): Նա, զգալով Ուրարտուից սպասվող վտանգը, ինքն է նախահարձակ լինում, արշավում Ուրարտուի վրա նրա հարավ-արևելյան կողմից և Ուրմիա լճի հյուսիս-արևելքում գտնվող Ուաուշ լեռան առոյտտում տեղի ունեցող ճակատամարտում հաղթանակ տանում Ռուսա I-ի կոալիցիոն բանակի նկատմամբ, կողոպտում ու ավերում երկրի կենտրոնական մարզերը³⁶: Ռուսա I-ի հույսերը չեն արդարանում: Ռուսա I-ից Սարգոն II-ը խլում է Մանա երկրից նվաճված ու ուրարտական կենտրոնական մարզերի շարքում մտցված Ուիշդիշ մարզը³⁷: Նա իրեն է ենթարկում ամբողջ Մանա երկիրը, որը մինչ այդ գտնվում էր Ուրարտուի ազդեցության տակ: Սարգուրիին հարկատու են դառնում Նաիրի-Խուբուշքիա, Արդինի-Մուծածիր, Ջիկիրթու և Անդիս երկրները: Շարունակում են Ասորեստանին հարկ վճարել Մելիդուն, Կումմուխուն, Գուրգունը, Բիթ-Ագուսին: Ուրարտուից անկախանում է Շուբրիա երկիրը³⁸:

Փաստորեն Ռուսա I-ի գործողությունները ոչնչով չնպաստեցին Ուրարտուի վերելքին: Ընդհակառակը, այդ գործողություններից հետո ուրարտական պետության վայրէջքը ավելի է խորանում: Բայց, այնուամեն-

նայնիւմ, նա նվաճելով Փոքր Կովկասում գտնվող 19 երկրները՝ որոշ չափով նսրստ է բերել իր պետության կազմավորման գործին:

Ուրարտական պետության կազմավորման երրորդ փուլի երրորդ ենթափուլը համընկնում է Արգիշթի II-ի և Ռուսա II-ի կառավարման ժամանակաշրջանի հետ: Այս ենթափուլում Ուրարտուի հիշյալ թագավորները իրենց զգուշավոր քաղաքականությամբ հնարավորություն չեն տալիս Ասորեստանին նոր արշավանքներ գործել իրենց երկրի վրա, ավերածություններ կատարել այնտեղ և նոր երկրներ անջատել նրանցից:

Ռուսա I-ին հաջորդող Արգիշթի II-ը (713-685) զբաղվում է Սարգոն II-ի կողմից ավերված երկրի վերակառուցման աշխատանքներով: Նրան միայն հաջողվում է նվաճումներ կատարել Ասորեստանից հեռու, Ուրմիա լճի հյուսիս-արևելքում (ժամանակակից Թավրիզի ու Արդեբիլի շրջաններում): Նա նվաճում է այնտեղ գտնվող 6 երկրները, դնում հարկի տակ¹⁹, բայց նրանցից կողոպուտ և ռազմագերիներ ձեռք բերել չի կարողանում: Նա նվաճում է նաև երկրի հյուսիս-արևելքում, մասնավորապես ժամանակակից Սյունիքում գտնվող Ծուլուկու (Ծղուկ) երկիրը⁴⁰, բայց նրանից ևս կողոպուտ ու ռազմագերիներ ձեռք բերել չի կարողանում, ինչպես նաև չի կարողանում այդ երկիրը դնել հարկի տակ:

Արգիշթի II-ին հաջորդող Ռուսա II-ը (685-645) նույնպես զբաղվում է երկրի ներսում շինարարական աշխատանքներով: Նրան հաջողվում է նաև արշավանքներ կազմակերպել Ասորեստանից շատ հեռու, Փոքր Ասիայում գտնվող Մուշքինի (Փռյուգիա), Խալիտու (Խաղտիք) երկրների և Հայկական լեռնաշխարհի հյուսիս-արևմտյան մասում, մասնաորապես Փոքր Հայքում գտնվող Խաթե երկրի (ավելի ճիշտ Խաթե ցեղամիության) վրա⁴¹, որը վաղուց էր նվաճվել Ուրարտուի կողմից: Նրան չի հաջողվում այդ երկրներից ռազմավար ձեռք բերել: Նա բավարարվում է նրանով, որ իսյդ երկրներից ձեռք է բերում որոշ քանակությամբ կին գերիներ: Ռուսա II-ը վտրժում է գրավել երկրի հարավում, Ասորեստանի սահմանի մոտ գտնվող անկախ Շուբրիա երկիրը՝ պատրվակ դարձնելով իսյդ երկրում ասսուրական փախստականների հետ ապաստան գտած ուրարտական փախստականներին բռնելը: Սակայն Ասորեստանի թագավոր Ասարիսուդդունը (680-669), իմանալով Ռուսա II-ի այդ մտադրության մասին, ինքը նախահարձակ է լինում, գրավում Շուբրիա երկիրը⁴² և մոտենում անմիջապես Ուրարտուի հարավային սահմանին: Ուրարտում տեսնում է դա, բայց լուր է և չի հանդգնում պայքարի ելնել հզոր Ասորեստանի դեմ:

Այսպիսով, Արգիշթի II-ը և Ռուսա II-ը թեև 9 նոր երկրներ են նվաճում ու նպաստ բերում ուրարտական պետության կազմավորման գործին, բայց դրանով նրանք չեն կարողանում կանխել այդ պետության վայրէջքը և բացել նրա վերելքի ճանապարհը: Ուրարտական պետության վայրէջքը շարունակվում է մինչև մթա 585թ., որից հետո սկսվում է այդ պե-

տության անկման փուլը: Ռուսա II-ից հետո վայրէջքի փուլում թագավորել են Սարգսի III-ը (645-635) և Սարգսի IV-Պարույրը (635-585): Վերջիններս ընդհանրապես նվաճողական արշավանքների չեն դիմում և, հետևաբար, նոր երկրներ չեն նվաճում ու ոչնչով չեն նպաստում իրենց պետության կազմավորման գործին:

Սկսած մթա 585 թվականից, երբ վայրէջքի փուլին հաջորդում է Ուրարտու կամ Արմենիա պետության պարբերացման անկման փուլը, այդ պետությունը անցնում է, նախ՝ Մեդիսի, ապա՝ Պարսկաստանի գերիշխանության տակ: Այդ գործընթացը ավարտվում է նրանով, որ Ուրարտուն կամ Արմենիան մթա 522թ. գրկվում է իր պետականությունից և վերածվում պարսկական սատրապության: Այդ փուլում Ուրարտու կամ Արմենիա պետության նոր կազմավորման մասին խոսելն ավելորդ է:

Ուրարտական պետության կազմավորման մասին տեղեկություններ ենք քաղում այդ պետության թագավորների տիտղոսաշարերից, որոնք գրվել են ինչպես ուրարտերեն, այնպես էլ ասսուրերեն լեզուներով: Ուրարտերեն լեզվով գրած տիտղոսաշարերում Ուրարտուի թագավորները իրենց անվանել են «թագավոր երկիր շուբելի» (^{KUR}šureli), թագավոր երկիր Բիաինի⁴³», իսկ ասսուրերեն լեզվով գրած տիտղոսաշարերում նրանք իրենց անվանել են «թագավոր քիշշաթի» (kisšati), թագավոր Նաիրի երկրի⁴⁴»: Սրանցից «Նաիրի երկիր» փոխարեն Ռուսու I-ի երկլեզվյան արձանագրության ասսուրերեն տարբերակում հիշատակվում է «Ուրարտու երկիրը»⁴⁵:

Ակներև է, որ Նաիրի և Ուրարտու անվանումները տրվել են բուն երկրին: Նրանց՝ երկուսին փոխարինել է Բիաինիլի տերմինը, որն ունի հավաքական, հոգնակիության իմաստ (այն զուրկ է էթնիկական իմաստից, քանի որ նրա անունով ցեղ կամ ցեղամիություն չի հիշատակվել, ավելի շուտ այն ունի տեղի իմաստ: Իսկ ինչ վերաբերում է տիտղոսաշարերի ասսուրերեն տարբերակի «քիշշաթի» և ուրարտերեն տարբերակի «երկիր շուբելի» հասկացություններին, ապա դրանցից առաջինը՝ «քիշշաթին», ասսուրերեն բառ է, որը նշանակում է «տիեզերք», «աշխարհ», ինչպես նաև «բազում»⁴⁶: Ուրարտական թագավորների տիտղոսաշարերում այդ բառը օգտագործվել է իր վերջին իմաստով՝ «բազում» իմաստով⁴⁷: Հետևաբար Ուրարտուի թագավորների ասսուրերեն տիտղոսաշարերի «թագավոր քիշշաթի» նշանակում է «թագավոր բազմաց» կամ «թագավոր բազում երկրների»: Այդ իմաստն է պարունակում նաև ուրարտական թագավորների տիտղոսաշարերի «թագավոր երկիր շուբելի» տիտղոսի «երկիր շուբելի» բաղադրամասը⁴⁸: Ուսումնասիրությունները ցույց են տալիս, որ «երկիր շուբելի» (^{KUR}šureli) տերմինի KUR.KUR^{MI:549} և L³ KUR.KUR^{MI:550} գաղափարագրերից առաջինը նշանակում է «բազում երկրներ», իսկ երկրորդը, որը L3 «մարդ» սահմանիչի շնորհիվ ստացել է նաև «բնակիչներ» իմաստը, նշանակում է «բազում երկրների բնակիչ»

ներ⁵¹»: Այս փաստերը իրենց հերթին հաստատում են, որ «երկիր շուրե-
լի» տիտղոսը իրոք նշանակում է «բազում երկրներ»: Տիտղոսաշարերում
այդ «երկիր բազմացը» կամ «բազում երկրները» (^{KL R}sureli), որոնք են-
թարկվել են ուրարտական թագավորներին, տարբերվել են այդ թագա-
վորների բուն երկրից (Նաիրիից, Ուրարտուից): Այդ «երկիր բազմացը»
կամ «բազում երկրները», բնականաբար, վերաբերել են ուրարտական
թագավորներին հպատակ, նրանց կողմից նվաճված երկրներին⁵²:

Փաստորեն տիտղոսաշարերը ցույց են տալիս, որ ուրարտական պե-
տության կազմավորման հիմքում ընկած են եղել ինչպես բուն երկիրը,
այնպես էլ հպատակ (այդ թվում նվաճված) երկրները:

Այսպիսով, ուրարտական պետությունը կազմավորման երկրորդ փու-
լում նվաճել է շուրջ 130 երկրներ, իսկ երրորդ փուլում՝ եւ 28 երկրներ:
Այդ 158 երկրները տարածված են եղել Ուրարտուի շրջակայքում: Ասո-
րեստանից կրած պարտությունների հետևանքով Ուրարտուի հարավում,
հարավ-արևելքում և հարավ-արևմուտքում նվաճված երկրների մեծ մա-
սը անջատվել է նրանից: Մնացած երկրների շնորհիվ կազմավորվել է ու-
րարտական պետությունը: Այդ կազմավորումը տեղի է ունեցել 3 գլխա-
վոր փուլերով:

DIMITRI SARKISYAN

THE MAIN STAGES OF FORMATION OF THE URARTIAN STATE

The formation of the state of Urartu has gone 3 main stages, the last of which has
3 understages. The first stage coincided with the political appearance Urartu, when
those state was busy uniting its native territories and population. At that time the
heard of the country were the kings Arame (859-832) and Sarduri I (832-822). The
second stage coincided with the progress of Urartu, when the state conquered about
130 countries nearly and took the hegemony of Progressive Asia. At that stages great
changes hade occurred in the territory and its population. At that time head of the state
were the kings the Ishpuini (822-810), Menua (810-786), Argishti I (786-764) and
Sarduri II (764-735). The first understage of third stages coincided with the last period
of the Sarduri II kingdom, when king of Assiria Tiglatpalasar III (745-727) invaded
Urartu, defeated the country, as a result of which the stage in southern, south-eastern,
south-western countries were seperated. The second understage of third stages
coincided with the period of Rusa I (735-713) kingdom, when Urartu occupy 19
countries in the Small Caucas. but with a last period of Rusa I kingdom king of
Assiria Sargom II (722-705) invaded Urartu, defeated the country, as a result of
which the second understage in southern countries were separated. The third
understage of the third stage coincided with the time kingdom of Urartu kings
Argishti II (713-685) and Rusa II (685-645), when the above mentioned kings
conquered almost 9 countries in the northern, north-eastern, north-western parts

Urartu and make new changes in the formation of their country. The next kings don't conquer any territories, and any new countries are not separated from Urartu.

ԾԱՆՈԹԱԳՐՈՒԹՅՈՒՆՆԵՐ

1. АВИИУ, №27.
2. АВИИУ, №27 (I-23; II-45, 54).
3. АВИИУ, №№27, 28 (35), 31, 32, 33.
4. АВИИУ, №27 (II-45).
5. АВИИУ, №27 (I-23).
6. АВИИУ, №№27 (II-45), 28 (35).
7. АВИИУ, №№27, 28 (35, 141).
8. АВИИУ, №27 (141).
9. УКН, №№28 (лиц. стор. стк. 5-7); 39 (стк. 7-9), 127 (стк. 5-24, 32-37), 128, А2 (стк. 15-22), 278 (стк.1-6).
10. УКН, №№20, 127, II (стк. 25-31), V (стк. II-13, 49), 128, А2 (стк. 1-23), 130, 131, 155, А (стк. 13-21), С (стк. 49-53), F (стк. 6, II-32).
11. УКН, №№36-37, 127, I (стк. 1-22), 128, А1, В1).
12. УКН, №№20-23.
13. Վ.Ա. Իզումնով, Հ.Հ. Կարազյոզյան, Ս.Գ. Հմայակյան, Օծասարի սեպագիր արձանագրությունը (ՊԲՀ, 1997, №1), էջ 193-202; Ն.Վ. Հարությունյան, Նոր ընթերցումներ և մեկնաբանություններ Նախիջևանի սեպագրում (ՊԲՀ, 2000, №2), էջ 196-212; УКН, №24.
14. УКН, №№36,37.
15. УКН, №№30-34.
16. УКН, №39.
17. Д.Н. Саркисян, Страна Шубриа, стр. 5.
18. УКН, №№28-29.
19. УКН, №№127, I (стк. 1-22), 128, А1, В1.
20. УКН, №№127. III (стк. 26-30), IV (стк. 70-74), 128, В2 (стк. 40-42), А2 (стк. 4-11), 134 (стк. 3), 142.
21. УКН, №№127 III (стк. 10-71), IV (стк. 44-53), V (стк. 25), 128, В2 (стк. 15-24), 155, А (стк.4-12). (Այս երկրներից Բաբիլոն, ըստ Ի.Մ.Դյակոնովի կարծիքի, համապատասխանում է ոչ թե անմիջապես Բաբելոնին, այլ Դիյալա գետի ավազանում գտնվող Նամուու երկրին, որը այդ ժամանակ գտնվում էր Բաբելոնի գերիշխանության տակ, խիստ ըաբելոնացված էր, որի պատճառով էլ ուրարտացիները կոչում են նրա անունով) (АВИИУ, №49, прим.14):
22. УКН, №155, D, (стк. 1-15).
23. УКН, №161.
24. УКН, №155, E, (стк. 36-57).
25. УКН, №156, DI+DII (DI, стк. 11-16).
26. УКН, №156, DI+DII (DI, стк. 8-10).
27. АВИИУ, №№41 (59), 42 (20), 44 (43, об. стор. 7).
28. АВИИУ, №41 (59, 83).
29. АВИИУ, №42 (20).
30. АВИИУ, №40 (43, об. стор. 7), 42 (28).

31. АВИИУ, №49 (156).
32. АВИИУ, №266, (стк. 6-19).
33. АВИИУ, №49(156-297).
34. АВИИУ, №№49 (79-91, 125-156), 54 (28-112).
35. УКН, №264 урарт. текст, стк. 17-19, ассир. текст, стк. 16-18.
36. АВИИУ, №49
37. АВИИУ, №46 (109).
38. Д.Н. Саркисян, Страна Шубриа, стр. 42-57.
39. УКН, №№445-446.
40. Н.В. Арутюнян, Новая урартская надпись из Сисиана (Древний Восток, №4, 1983), стр. 195-220.
41. УКН, №278, стк. 1-6.
42. АВИИУ, №67; Д.Н. Саркисян, Страна Шубриа, стр. 42-57.
43. УКН, №№19, стк. 3; 364, стк. 29 (срав. 128, А4, стк. 4; 276, лиц. стор., стк. 30 и т.д.).
44. УКН, №№1-3, 319-325, стк. 1-2.
45. УКН, №264, ассир. текст, стк. 27 (срав. урарт. текст, стк. 4).
46. Л.А. Липин, Аккадский (вавилоно-ассирийский язык), словарь, вып. II, Л., 1957, стр. 105.
47. Դ.Ն. Սարգսյան, Սոցիալ-տնտեսական կյանքը ուրարտական Ռուսաստանի թաղաքում (ՊԲՀ, 1998, հ. 3), էջ 167, նրա՝ Ուրարտական համայնական և զինվորական խավերի փոխհարաբերությունները (ԼՀԳ, 1999, հ. I), էջ 117-124:
48. Դ.Ն.Սարգսյան, Ուրարտական համայնական և զինվորական խավերի փոխհարաբերությունները (ԼՀԳ, 1999, հ. I), էջ 117-124:
49. УКН, №№155, Е, стк. 7, 47; 164, стк. 10; 165, стк. 10; 172, стк. 8; 278, стк. 11; 280, стк. 14; 417, стк. 10; 418, стк. 11; 446, стк. 8.
50. УКН, №286, лиц. стор., стк. 15.
51. Դ.Ն. Սարգսյան, Սոցիալ-տնտեսական կյանքը ուրարտական Ռուսաստանի թաղաքում (ՊԲՀ, 1998, հ. 3), էջ 167:
52. Դ.Ն. Սարգսյան, նշվ. աշխ., էջ 167: